

# **BULETINI INFORMATIV**

## **KORRIK - SHTATOR**



## Evropiani në Prizren: Edhe një super organizim nga FBK

Nga 12 deri më 17 korrik u mbajt Kampionati Evropian, Divizioni C për meshkuj U16. Në këtë Evropian morën pjesë tetë shtete, që ishin ndarë në dy grupe. Dardanët e rinj të Kosovës përfundimisht u renditën në vendin e katërt, kurse medalja e bronzit i takoi Shqipërisë. Kampion në Prizren është shpallur Andorra, që mundi Armeninë në finale, 84:65. Ndërkohë, çmimi MVP i ka takuar Gregori Magojan të Armenisë, që e ka ndarë Sekretarja e Përgjithshme e Federatës së Basketbollit të Kosovës, Elvira Dushku.

Evropiani ka qenë i organizuar shumë mirë, duke marrë lëvdata nga FIBA, duke dëshmuar që FBK është super organizatore e ngjarjeve vendore dhe ndërkombëtare.



## Astera Tuhina, në Top 5 të Evropianit

Një sukses të jashtëzakonshëm ka arritur basketbollistja e talentuar kosovare, Astera Tuhina, që ka hyrë në Top 5 të Evropianit. Kosova arriti një fitore e tri humbje, ndërsa Qipro siguroi titullin me katër fitore. Astera kishte mesatare prej 11 pikëve për ndeshje, shtatë kërcimeve dhe 5.3 asistimeve. Tuhina është 17-vjeçare dhe një nga shpresat e basketbollit të Kosovës.



## U20 e femrave e 15-ta, por me një fitore sensacionale

Kosova është renditur e 15-ta në FIBA Kampionatin Evropian, Divizioni B për femra U20, që u zhvillua në Maqedoninë Veriore (9-17 korrik). Në ndeshjen për vendin e 15-të, vashat Dardane ishin më të mira se armenet, duke fituar 64:70, ndërsa gjatë turneut kishin regjistruar një fitore sensacionale, duke mposhtur Kroacinë me rezultat 60:63.



## Kosova U20 e meshkujve me dy fitore

Kosova U20 e meshkujve mori pjesë (9-14 korrik) në Gjerogji, në Kampionatin Evropian, Divizioni B. Dardanët kishin tri humbje e një fitore në grup (ndaj Austrisë), ndërsa më pas mundën Rumaninë, kurse pësuan nga Hungaria dhe Gjeorgjia për tu renditur në vendin e 12-të.



## Bardh Istrefi, shënuesi më i mirë i Evropianit

Kosova U18 te meshkujt mori në Rumani, në Kampionatin Evropian, Divizioni B (29 qeshor-7 korrik). Dardanët pësuan pesë humbje radhazi në dy fazat e grupeve, e më pas nga Irlanda 72:73, kurse fitorja e parë dhe e vetme erdhi ndaj Qipros me shifrat 90:74. Shënuesi më i mirë i këtij Evropiani ishte Bardh Istrefi me 156 pikë në total, apo me mesatare prej 22.3 pikëve për ndeshje.



## FIBA Europe ia beson FBK-së edhe dy vjet projektin për Zhvillim të Gjeneratave të Reja

Federata e Basketbollit e Kosovës dhe FIBA vazhdojnë bashkëpunimin edhe për dy vjet të projektit FIBA YDF “Youth Development Fund”. Ky projekt është planifikuar që të krijojë përvojë ndërkombëtare për komunikim kulturor për fëmijët e përzgjedhur, trajnerët dhe menaxherët të cilët kanë potencial në basketboll. FBK dhe FIBA YDF kanë bashkëpunim nga viti 2016, bashkëpunim ky, i cili ka ndihmuar në zbulimin e talenteve të rinj, edukimin e trajnerëve dhe ngritjen profesionale tek lojtarët.



## FIBA Evropa shpërblen FBK-në



Federata e Basketbollit e Kosovës (FBK) është në mesin e pesë (5) Federatave Nacionale që është shpërblyer nga FIBA Evropa për angazhimin dhe përkushtimin e jashtëzakonshëm në promovimin dhe vizibilitetin e kampanjës “Her World, Her Rules”. FBK së bashku me Federatën e Bullgarisë, Greqisë, Maqedonisë së Veriut dhe të Rumanisë janë shpërblyer me nga 5,000 euro për përkushtimin në kuadër të kampanjës, përderisa për vitin kalendarik Shtator 2022 - Korrik 2023, FBK nga ky projekt do të përfitojë 28,000 euro.

## Spektakël evropian në Mitrovicë

Trepça ishte organizatore e grupit A kualifikues në FIBA Europe Cup. Për mitrovicasit kjo ishte hera e parë që organizohet një event i tillë. Provimi u dha me sukses. Gjashtë skuadra morën pjesë, ku në fund Sporting dhe Anwerp u kualifikuan tutje, kurse 'Xehetarët' pësuan në çerekfinale nga Gottingen. Kampioni i Kosovës, Golden Eagle Ylli në kualifikimet e Ligës së Kampionëve pësoi humbje nga Benfica me rezultat 67:92, edhe pse pjesa e parë përfundoi 42:42. Ylli do të vazhdojë grupet e FIBA Europe Cup, ku është shortuar me Hapoelin e Izraelit dhe dy skuadrat gjermane, Brose Bamberg dhe Niners Chemnitz. Sigal Prishtina pësoi nga Kalev/Cramo me rezultat 98:61 dhe nuk vazhdoi garat në FIBA Europe Cup. Prishtina do të vazhdojë garat në ENBL.



## Garë e jashtëzakonshme në Prishtinë, triumfon Antwerp

Më 16-17 korrik u zhvillua gara e FIBA 3x3 Prishtina Challenger. Dy ditë me spektakël të streetbollit dhe muzikës, Prishtina ishte në qendër të vëmendjes me një turne madhor dhe spektakolar. 14 skuadra morën pjesë, fillimisht në grupe, më pas në çerekfinale, gjysmëfinale dhe finalja, mes Antwerp të Belgjikës dhe Friburg të Zvicrës, ku belgët triumfuan pas vazhdimeve 18:17.

## Mahmuti dhe Toijala ligjërojnë para trajnerëve të Kosovës

Trajnerët e mirënjohur evropianë, Oktay Mahmuti dhe Jukka Toijala kanë ligjëruar para trajnerëve të Kosovës (24 dhe 25 shtator) në Klinikën e Trajnerëve të Basketbollit, që organizohet nga Shoqata e Trajnerëve të Basketbollit të Kosovës në bashkëpunim me Federatën e Basketbollit të Kosovës. Hapjen e Klinikës e ka bërë kryetari i Federatës së Basketbollit të Kosovës (FBK), Arben Fetahu. Trajneri i mirënjohur, Mahmuti, ka folur në pjesën e parë të Klinikës për Mbrojtjen Individuale, duke treguar se si të jetë më e suksesshme. Ndërkohë, Jukka Toijala ka folur ka ligjëruar për Zhvillimi Afatgjatë i Basketbollistëve, duke marrë shembullin nga Modeli i Akademisë së Helsinkit. Në ditën e dytë, Mahmuti ka ka ligjëruar me temën Sulmi Pick & Roll, kurse Toijala ka ligjëruar me temën Ndërtimi i Koncepteve të Sulmit të Përfaqësueses së Estonisë.



## Kursi i trajnerëve - NIVELI 1, i mirëseardhur për trajnerët vendorë

Nga 1 deri më 13 korrik Federata e Basketbollit e Kosovës në bashkëpunim me FIBA-n dhe Komitetin Olimpik të Kosovës (KOK), ka organizuar kursin e nivelit të parë sipas standardeve të FIBA-s. Në këtë kurs kanë marrë pjesë dy grupe nga 15 trajnerë, të cilët pas përfundimit në bazë të vlerësimeve do të pajisen me licencë të nivelit 1 të FIBA-s. Ligjërues ka qenë Nour Amri, i cili është anëtar i Bordit Ekzekutiv të WABC (Shoqata Botërore e Trajnerëve të Basketbollit).

## Fillon Prince Caffè Superliga

Më 10/11 shtator u zhvillua xhiroja e parë në Prince Caffè Superligën e Kosovës në basketboll. Ky edicion pritet të jetë shumë interesant, pasi interesimi nga tifozët është i jashtëzakonshëm për t'i mbushur palestrat.

Në këtë edicion, Vëllaznimi u inkuadrua nga Liga e Parë, ndërsa Drita ka rënë një kategori më poshtë. Në shtator u zhvilluan gjithsej katër xhiro të elitës së basketbollit.



## Mbahet Kampi Nacional i Basketbollit

Nga 25 deri më 30 korrik është mbajtur Kampi Nacional i Basketbollit, i organizuar nga Federata e Basketbollit e Kosovës (FBK). Kampi u organizua në të dyja konkurrencat, ku marrin pjesë 24 djem dhe 24 vajza të lindur më 2009-2010.

Synimi i këtij kampi është zhvillimi i gjeneratave të reja, që më vonë do të jenë pjesë e Përfaqësuesëve të Kosovës dhe do të jenë e ardhmja e basketbollit.

Kampi organizohet çdo vit nga FBK, që ju kushton mjaft rëndësi gjeneratave të reja në të dyja konkurrencat.



### Numri një i basketbollit në botë, Andreas Zagklis do të vizitojë Kosovën

Për herë të parë Kosovën do ta vizitojë Sekretari Gjeneral i FIBA Botës apo numri një i basketbollit në botë, Andreas Zagklis. Ai do të vizitojë vendin tonë më 6-7 tetor, ku do të jetë i pranishëm në finalen e Superkupës Mbarëkombëtare, më 6 tetor në Mitrovicë, si dhe do të takohet me krerët e Federatës së Basketbollit të Kosovës (FBK), por edhe krerët e shtetit të Kosovës. Zagklis është një mbështetës i madh i basketbollit të Kosovës, duke përkrahur projekte të ndryshme, si dhe FBK-në, ku në shumë raste e ka lavdëruar punën që bën Federata.



## Në nderim të Belul Beqajt dhe Albert Dulës



## Lajmet e rëndësishme nga FBK

Caktohet Kuvendi Statuar i FBK-së më 1 Tetor

Sekretarja e Përgjithshme e FBK-së, Elvira Dushku, pjesë e programit prestigjioz – MESGO

Irma Konjusha dhe Agnesa Robaj kanë marrë pjesë në "Samitin Evropian të Basketbollit të Grave të FIBA-s"

FIBA dhe FBK organizojnë aktivitetin "More than a Basketball Player"

Artan Gashi, rizgjidhet kryetar i SHGJFBK-së

Gyltekin Selimi: 3 vite përvojë të jashtëzakonshme me FIBA Europe Coaching

Valentin Spaqi, pjesë e programit FECC

Faton Kurshumlija, komisioner në finalen e Evropianit të Divizionit B

Mbahet Klinika e vëzhguesve

Mbahet FIBA Scod Klinika për Gjyqtarë

Hidhet shorti për edicionin e ri të garave

Afati kalimtar i basketbollit me shumë transferime të bujshme

Mbahet "Street Fest 2022" në qendër të Prishtinës

# FALEMINDERIT

SUPPORTED BY:



GENERAL SPONSOR:



GOLDEN SPONSORS:



SILVER SPONSORS:



YOUTH BASKETBALL SUPPORTERS:



AUTOMOTIVE SPONSOR:

